

լինիլ նման նմա՝ խոստանամք , բայց վախճան նորա ուր
եհաս՝ ձեզ թողումք իմաստասիրել , և ճանաչել զՍուլթան
Մահմուտ : Ես ոչ առնեմ ասէ ըստ նախորդին իմոյ՝ զի նա
յիմարութեամբ իւրով էանց անդ քան զչափ , ոչ զխոս-
տացեալն կատարեաց և ոչ զպահանջն էառ 'ի ձէնջ , և 'ի
վերջոյ վտանգեցաւ , այլ ես 'ի գլուխ տարեալ զգործն
առնում զինչս ձեր եւ տամ պատասխանի հարցանողաց .
միայն մի յայտնէք զգումարն , զի մի այլք ագահեսցին .
և նոքա ասեն՝ դիւրին արտասանին բանք այլ կարի դժ-
ուարին է տալ պատասխանի յիւրում տեղւոյ , մանաւանդ
զի ոչ կամիս կատարել զգործն հաւասար , այլ զայստիկ
ծանուցուք Յերունեաց եւ Պատրիարքին , եւ դուք մի
վշտացուցանէք զնուրի : Դուք կատարեցէք ասէ զգործն
իմ . դիւրին է որսալ զկամս նորա , այլ արժան է ձեզ եր-
թալ առ նա և ասել թէ միտք Դատաւորին է 'ի կողմն
Յունաց , և 'ի պահանջելն մեր զբաժանորդութիւն հաւա-
սար Յունաց , վարանի 'ի միտս իւր՝ թէ եկեղեցին է 'ի
ձեռս Յունաց եւ Տէրութիւնն չէ գրեալ յայտնապէս
վասն իրաց ձերոց , և կամ բառնալ զՅունացն . վասն որոյ
հարկ է միանգամ խորհիլ ընդ Դատաւորին և կատարել
զգործն :

Եւ նոքա գնացին առ Նուրի և պատմեցին նմա ըստ բա-
նիցս այսոցիկ , բայց գտին զնա վշտացեալ 'ի նմանէ սակս
չյայտնելոյ և չխօսելոյ ինչ զգործոյն . և ցուցանէր գրել
'ի Կոստանդինուպօլիս եւ կամ գնալ անդր : Եւ 'ի կարի
թախանձելն Հայոց , յանձն առ երթալ առ նա և խօսիլ .
բայց 'ի կարծիս անկեալ ասէր . զի՞նչ ինչ խօսիք 'ի գնալն
ձեր առ նա . մի գուցէ պահանջէ 'ի ձէնջ զյոլով դրամս .
եւ ձեր ոչ կարացեալ յանձն առնուլ այսպէս տառանի
գործն : Եւ նոցա չհամարձակեալ զստոյգն պատմել , աս-
սեն՝ միթէ մարթ ինչ իցէ համարձակիլ յայդ աստիճան ,
որ ետես զվտանգ նախորդին իւրոյ , սակայն միտք նորա է
իրաւախօհ առնել զմեզ . եւ երբեմն 'ի բանս իւր յայտնէ
երթալ 'ի Բեթղեհէմ 'ի քննութիւն :

Դարձ արարեալ անտի պատմեցին զայս ամենայն Պատ-
րիարքին և Յերունեաց , և խորհուրդք ամենեցուն 'ի մի
կայացան , չտալ ինչ նախ քան զկատարումն գործոյն , զի